

國家圖書館藏歷史檔案文獻叢刊

方恪敏公奏議

第 8 冊

全國圖書館文獻縮微復制中心

國家圖書館藏歷史檔案文獻叢刊

方恪敏公奏議

第 8 冊

全國圖書館文獻縮微複製中心

乾隆十九年二月初一日奏摺二件

請

皇上聖躬萬安

乾隆十九年二月初一日奏本月初四日奉到
硃批朕安欽此

奏為恭懇

聖恩事恭照二月初十日

皇后千秋令節臣謹循例具

題慶

賀今二月十二日恭逢

聖駕展謁

東陵臣分應先期趨事仰懇

皇上天恩准臣於二月初九日趨赴

宮門恭請

聖安初十日隨同在

廷諸臣慶祝

皇后千秋令節行禮之後即前往查看橋梁道路率

屬敬謹辦差祇迎

鑾輅臣不勝虔企待

命之至謹

奏

乾隆十九年二月初一日奏本月初四日奉到

硃批不必進京欽此

乾隆十九年二月初五日奏摺二件

奏為清查各屬倉庫事竊照直屬州縣倉庫錢糧

前經臣遵

旨酌議規條委員徹底清查已將辦理緣由并盤過

保定府屬州縣庫項數目恭摺具

奏在案臣以遵易其趙深定六直隸州各有盤查

屬縣倉庫之責必公該州先自清楚然後可以
稽察屬員因飭該管道員先行盤查去後茲據
通水道常亮將遵化一州清河道宋宗元將易
冀趙深定五州庫項逐一清盤具報到臣當即
批發布政使王麟確核詳覆前來臣覆加查核
除上年正雜錢糧隨征隨解外其節年存貯庫

項內辦差辦公借墊由司核減并不准開銷者
易州應完交銀一千六百二十二兩零又奉部
核減者趙州應完交銀三百一十一兩零定州
應完交銀七百四十九兩零現在分別著落原
辦接受之員勒限完補其餘各州欸項除長墊
核實應抵外俱現在存庫並無虧缺又據永平

府知府七十四將所屬盧龍等州縣順德府知
府王祖庚將所屬邢臺等縣庫項盤查具報并
據布政使王麟覆核詳報到臣臣查各該府屬
州縣節年存貯庫項內永平府屬撫寧縣辦公
借墊由司核減銀二十八兩零現在勒限完補
又順德府屬內邱縣虧缺銀二千六百四十二

兩已於查出後照數完補起解其餘永順二屬
州縣庫項除長墊核實應抵外俱無虧缺臣又
飭令委員前往各處抽查無異所有盤查過遵
化等六直隸州并永順二府屬節年存貯庫項
應追應抵各數另繕清單恭呈

御覽此外各府州屬庫項已據盤察具報現飭布政

司覈加查核委員扣盤俟詳覆到日陸續恭摺

奏

聞其倉穀一項此時州縣買補與民借交還之數大

概已定正可委員清查現亦飭令詳晰查辦應

俟盤竣覆核明確另行具

奏伏乞

皇上聖鑒謹

奏

乾隆十九年二月初五日奏本月初八日奉到
硃批知道了欽此